

Katie Beckett Medicaid

Cov Nqe Lus Uas Nquag Nug

Cov ntsiab lus ntau yam

Katie Beckett Medicaid yog dab tsi?

Katie Beckett Medicaid muab kev duav roos rau Medicaid hauv lub xeev Wisconsin rau cov me nyuam yaus uas nyob hauv tsev uas muaj cov kev xiam oob qhab, mob ntev, los sis cov kev xab tau txog kev noj qab haus huv fab kev puas siab puas ntsws rau thaum ua tau raws li cov cai tshwj xeeb. Tus me nyuam tuaj yeem tsim nyog txawm tias:

- Lawv niam lawv txiv muaj nyiaj khwv tau los ntau dhau lawm txog rau qhov tsis tsim nyog rau lwm yam Medicaid tau.
- Lawv muaj kev pov hwm mob nkeeg ntiag tug.

Kawm paub ntau ntiv ntawm dhs.wi.gov/kbp.

Katie Beckett yog leej twg?

Katie Beckett yog ib tug me nyuam yaus uas xav tau kev pab kho mob nyuaj. Nws tsev neeg tau tawm tswv yim tias cov kev kho mob thiab kev pab cuam zoo tshaj plaws rau nws yog muaj nyob hauv tsev thiab hauv zej zog, tsis yog hauv tuam tsev kho mob los sis tsev kho mob. Tsoom fwv teb chaws tau tsim ib pab pawg neeg tshwj xeeb ntawm qhov kev pab kho mob Medicaid kam them rau cov me nyuam yaus xws li Katie Beckett.

Leej twg thiaj tuaj yeem tau txais Katie Beckett Medicaid?

Txhawm rau kom muaj cai tsim nyog, koj tus me nyuam yuav tsum:

- Muaj hnuv nyoog qis dua 19 xyoo.
- Ua raws li lub ntsiab lus ntawm "neeg xiam oob khab" raws li Txoj Cai Fab Social Security.
- Ua neeg xam xaj Mes Kas los sis tsim nyog nkag teb chaws.
- Yog cov neeg Pej xeev Wisconsin.
- Nyob hauv tsev, ua niam qhuav txiv qhuav kev pab tu, los sis hauv lwm qhov chaw tsim nyog hauv zej zog.
- Ua tau raws li qhov kev muaj cai tsim nyog "qib kev saib xyuas zoo" – uas txhais tau hais tias tus me nyuam cov kev xav tau hom kev saib xyuas uas feem ntau tau muab los ntawm lub tsev kho mob los sis lub chaw muab kev saib xyuas ncua sij hawm ntev.
- Tau txais kev saib xyuas zoo thiab tsim nyog hauv tsev.
- Tsis muaj cov nyiaj tau los ntawm lawv tus kheej uas ntau dua li cov nyiaj tau los tam sim no txwv rau cov neeg nyob hauv ib lub tuam tsev.
- Tsis tau txais kev saib xyuas hauv tsev uas raug nqi ntau dua li cov kev saib xyuas uas lawv yuav tau txais hauv lub tsev tu neeg mus sij hawm ntev uas tau them los ntawm Medicaid.



Kev thov

Tus txheej txheem kev tso npe thov yog dab tsi?

Koj tuaj yeem thov rau Katie Beckett Medicaid rau koj tus me nyuam ib qho ntawm peb txoj hauv kev:

- Hauv oos lais ntawm access.wi.gov
- Los ntawm kev hu **888-786-3246**
- Los ntawm kev sau email DHSKatieBeckett@dhs.wisconsin.gov

Tus txheej txheem kev tso npe thov uas txiav txim seb tus me nyuam puas muaj cai tsim nyog tau txais Medicaid ntawm Katie Beckett. Yuav kom tsim nyog, tus me nyuam yuav tsum ua kom tau raws li qhov kev ua hauj lwm saib xyuas. Lawv kuj yuav tsum tau ua neeg xiam oob qhab raws li tau hais los ntawm Social Security Qhov Kev Tswj Xyuas. Cov kws tshaj lij fab kev muaj cai tsim nyog hauv Medicaid ntawm Katie Beckett tau teb cov lus nug thiab muab kev txhawb nqa los ntawm cov txheej txheem kev tso npe thov. Ntawm no yog txoj hau kev nws ua hauj lwm.

Daim ntawv thov kev pab

Tus kws tshaj lij uas muaj cai tsim nyog yuav ntsib nrog koj ntawm kev hu xov tooj tham pom ntsej muag, los sis hauv koj lub tsev yog tias thov. Koj yuav tshawb xyuas daim ntawv tso npe thov ua ke, txheeb xyuas cov ntaub ntawv xav tau, thiab teb cov lus nug.

Kev muaj cai tsim nyog rau kev ua hauj lwm

Tus kws tshaj lij uas muaj tsim nyog yuav siv cov ntaub ntawv txhawm rau los ua kom tiav koj tus me nyuam lub naj co (screen) ua hauj lwm. Cov cuab yeej uas muaj tus qauv zoo no ntsuas lawv cov peev xwm thiab cov kev ua hauj lwm txhua hnub.

Kev txiav txim txog kev xiam oob qhab

Koj yuav pab tus kws kho mob tshwj xeeb kom muaj cai tsim nyog nkag mus rau koj tus me nyuam cov ntaub ntawv teev txog kho mob. Lawv raug tshawb xyuas nrog rau cov ntsiab lus meej txheeb ntawm daim ntawv tso npe thov txhawm rau los ua kev txiav txim txog qhov kev xiam oob qhab.

Kev ceeb toom

Koj yuav tau txais ib tsab ntawv qhia rau koj paub yog tias koj tus me nyuam tau txais kev pom zoo rau cov nyiaj pab. Yog tias tsis yog, tsab ntawv yuav muaj cov ntaub ntawv hais txog yuav ua li cas rov hais dua qhov kev txiav txim siab yog tias koj tsis pom zoo.

Yog tias koj muaj cov lus nug txog cov txheej txheem kev tso npe thov los sis tsab ntawv txiav txim, ces xa email rau Katie Beckett Medicaid ntawm DHSKatieBeckett@dhs.wisconsin.gov los sis hu rau **866-786-3246**.

Siv cov kev pab

Kuv tus me nyuam nkag mus rau cov txiaj ntsig Katie Beckett Medicaid tau li cas?

- Tom qab tau txais kev pom zoo lawm, koj yuav tau txais daim npav ForwardHealth Medicaid Tus ID hauv kev xa ntawv. Siv nws xws li lwm daim npav tuav pov hwm kom tau txais cov kev pab cuam txog kev noj qab haus huv thiab cuab yeej. Qhov no suav nrog tej yam xws li kev tiv thaiv kev pab kho mob, cov kev txhawb nqa, thiab kev saib xyuas tshwj xeeb.
- Khaws koj daim npav ForwardHealth tshwj tsis yog tias koj tau txais ib daim ntawv tshiab. Yog tias koj xav tau kev hloov pauv, hu rau Feem Muab Kev Pab Cov Tswv Cuab ntawm **800-362-3002**.

Kuv tuaj yeem nrhiav tau cov ntaub ntawv qhia paub ntxiv txog kev siv Katie Beckett Medicaid qhov kev duav roos rau qhov twg?


Muaj ob qho chaws tuaj yeem pab tau:

- ForwardHealth Cov Txiaj Ntsig thiab Kev Tso Npe Rau Hauv Phau Ntawv Qhia Siv, P-00079, muaj nyob ntawm dhs.wi.gov/library/collection/p-00079.
- Medicaid thiab Tus Me Nyuam Cov Kev Pab Cuam Lub Ntsiab Lus Ntawm Lub Khoos Kas Pab Cuam, P-02996, muaj nyob rau ntawm dhs.wi.gov/library/collection/p-02996.

Kev suav sau nqi thiab cov kev them nyiaj

Yuav muaj dab tsi tshwm sim yog tias kuv tus me nyuam kuj tseem tau txais kev duav roos los ntawm kev pov hwm ntiag tug?

- Katie Beckett Medicaid tuaj yeem ua hauj lwm ua ke nrog qhov kev pov hwm ntiag tug tau. Nws yuav ua raws li qhov kev tuav pov hwm thib ob, tab sis tsuas yog tias tus kws muab kev pab cuam kho mob yog Wisconsin Medicaid tus kws kho mob uas muaj ntawv pov thawj.
- Yog tias koj tus me nyuam muaj kev tuav pov hwm kho mob ntiag tug, lawv yuav raug them ua ntej. Medicaid yuav them tom kawg nkaus tas li.
- Koj yuav tsum siv cov kws muab kev pab cuam saib xyuas kev noj qab haus huv hauv pab pawg koom tes thiab cov chaw yog tias koj tus me nyuam cov ntawv pov hwm mob nkeeg ntiag tug yog los ntawm HMO (lub koom haum saib xyuas kev noj qab haus huv).
- Nco ntsoov nug koj tus kws muab kev pab cuam kho mob txog yam uas tau txais kev duav roos.



Kuv tus me nyuam puas tuaj yeem mus cuag cov kws kho mob los sis qhov chaw kho mob tau?

Koj tus me nyuam yuav tsum mus cuag cov kws muab kev pab cuam kho mob uas lees txais Wisconsin them raws li tau txais kev kho ntawm Medicaid (tseem hu ua cov kws muab kev pab cuam ForwardHealth)

- Koj tuaj yeem nrhiav ib tus neeg muab kev pab cuam los ntawm kev tshawb nrhiav hauv daim ntawv ForwardHealth Find Care. Mus rau forwardhealth.wi.gov/WIPortal/Subsystem/Public/DirectorySearch.aspx.
- Nco ntsoov nug koj tus me nyuam tus kws muab kev pab cuam kho mob yog tias lawv yog Wisconsin tus kws muab kev pab cuam kho mob Medicaid uas lees txais tus nqi-rau-kev pab cuam Medicaid.

Nco ntsoov tias:

- Yog tias koj tus me nyuam mus cuag ib tus kws muab kev pab cuam kho mob uas tsis tau lees paub Medicaid, koj yuav tsum tau them nyiaj.
- Ntau tus kws muab kev pab cuam kho mob sab nrauv uas nyob ze Wisconsin qhov ciam teb yog Wisconsin uas tau txais daim ntawv pov thawj ntawm Medicaid. Nug koj tus kws kho mob seb lawv puas tau lees paub los sis hu rau Feem Muab Kev Pab Cov Tswv Cuab ntawm **800-362-3002** kom lees paub.

Khaws koj qhov kev duav roos

Kuv yuav tsum tau rov qab toj sij hawm rau kuv tus me nyuam qhov kev pab them nqi kho mob Katie Beckett Medicaid li cas?

- Txhua xyoo, peb yuav tsum tshawb xyuas cov ntaub ntawv uas peb muaj nyob rau hauv phau khaws ntaub ntawv cia saib seb koj tus me nyuam puas tuaj yeem tau txais txiaj ntsig ntxiv. Koj yuav tau txais cov ntaub ntawv toj sij hawm tshiab hauv kev xa ntawv nrog rau cov lus qhia thiab koj hnuv kawg.
- Yog tias koj ua tsis tiav qhov kev rov toj sij hawm tshiab los ntawm hnuv kawg, koj tus me nyuam yuav tsis tau txais qhov kev duav roos ntawm Medicaid.
- Txhua tus me nyuam tau tso npe kawm ntawv hauv Katie Beckett kuj tseem xav tau kev txiaj txim siab txog kev xiam oob khab txhua 1-7 xyoo, nyob ntawm lawv qhov kev kuaj mob.
- Kawm paub ntxiv txog kev rov toj sij hawm dua tshiab hauv Katie Beckett Medicaid Daim Ntawv Rov Toj Sij Hawm rau Cov Tswv Cuab, P-03553. Rub nws ntawm dhs.wi.gov/library/collection/p-03553.

Kuv puas yuav tsum tau tshaj tawm qhia dab tsi rau Katie Beckett Medicaid?

Peb xav tau cov ntaub ntawv tshiab los tiv tauj koj txog koj tus me nyuam cov txiaj ntsig. Qhia rau peb paub txog:

- Cov kev hloov koj qhov chaw nyob los sis tus lej xov tooj
- Qhov kev hloov pauv qhov kev tuav pov hwm los sis qhov nyiaj tau los



Tau txais kev pab

Yuav muaj dab tsi tshwm sim yog tias kuv muaj lus nug txog Katie Beckett Medicaid tus txheej txhem kev ua daim ntawv tso npe thov los sis cov qauv tsim nyog?

- Hu rau: **888-786-3246**
- Email: DHSKatieBeckett@wisconsin.gov

Puas muaj lwm yam uas kuv tsev neeg yuav tau txais kev pab ntxiv?

- Wisconsin Wayfinder cov kev pab kho mob rau cov tsev neeg ntawm cov me nyuam yaus uas muaj kev qeeb, cov kev xiam oob qhab, cov kev xav tau rau kev kho mob tshwj xeeb, thiab cov chaw kev nrhiav tus mob txog kev noj qab haus huv fab kev puas hlwb. Hu rau (877) WiscWay (**877-947-2929**) los sis mus saib dhs.wi.gov/wiscway.
- Koj tseem tuaj yeem xa mus rau daim ntawv qhia qhov tseeb no, Cov Chaw Pab Cuam rau cov tsev neeg hauv Tus Me Nyuam Yaus Cov Kev Pab Cuam Lub Khoom Kas, P-03036. Rub nws ntawm dhs.wi.gov/library/collection/p-03036.